



**ՎԼԱԴԻՄԻՐ ՀՈՎՍԵՓՅԱՆ
ՀՂՀ Գերազույն դատարանի դատավոր,
ՀՂՀ վասպակալոր իրավաբան**

ԱՐՑԱԽԻ ՀԱՆՐԱՊԵՏՈՒԹՅԱՆ ԴԱՏԱԿԱՆ ԻՇԽԱՆՈՒԹՅԱՆ 25-ԱՄՅԱ ՈՒՂԻՆ



ԱՄՆ-ի Գերազույն դատարանի 9 դատավորների ծեռուում է գրնալում երկրի հաևագրությունը, բարեկեցությունը և բուն գոյությունը:

Ա.Թոքի

Անկախ դատական իշխանության առկայությունը ժողովրդավարական պետության պարտադիր հատկանիշն է: Նման պետությունում իրավունքի գերակայությունն առաջին պլան է մղվում, որտեղ հասարակության յուրաքանչյուր անդամ պաշտպանված է այլոց հակադրավական քայլերից, այդ թվում՝ պետության, նրա մարմինների և պաշտոնատար անձանց անօրինական գործողություններից: Այդ առաքելության իրականացման հասցեատերն անկախ դատական իշխանությունն է, առանց որի պետությունն իրավական համարվել չի կարող: Իսկ իրավական պետությունում Ֆեմինայի՝ արդարադատության սուրբ հավասարապես պաշտպանում է իրավունքի բոլոր սուրբներին:

Սակայն դա միշտ այդպես չի եղել: Հանրահայտ է, որ հնում դատարանների և արդարադատության գործառույթները գտնվել են թագավորների, միապետների, արքաների և հոգևոր դասի ղեկավարների վերահսկողության ներքո, որտեղ ինքնուրույն և անկախ դատարանների նախանձությունը լինել չէր կարող:

Հայ ժողովրդի արցախյան հատկածի արդարադատության պատմությունն իր արմատներով հասնում է դարերի խորքերը՝ սնուցում ստանալով Վաշագան արքայի կանոնական Սահմանադրությունից, Դավիթ Ալավերդի օրինադրությունից, Մխիթար Գոշի Դատաստանագրից և հայ իրավական մտքի այլ հուշարձաններից:

Արցախի Հանրապետության ներկայիս դատական համակարգի նախատիպը ծննդն առավ 1917թ. հեղափոխական իրադարձություններից հետո, որոնցից անմասն չմնաց նաև մեր երկիրը: Քաղաքական պահը շատ լուրջ էր և պետականության ստեղծման պահանջ էր թեկադրում, ուստի, այդ պահանջից ելնելով, 1918թ. հուլիսի 22-ին Ծուշի քաղաքում իրավունք գործադրություն սնատեց: Վերջինիս որոշմանք երկրամասի գավառակներում հիմնվեցին հաշտարար իինց դատարաններ՝ Ծուշիում, Զքաքերդ-Գյուլիստանում՝ Մեծ շեն գյուղը, Խաչենում՝ Խանքենդի գյուղը, Վարանդայում՝ Թաղավարդ գյուղը, Դիզակում՝ Հարդրութ գյուղը նատավայրերով: Իրեն երկրորդ՝ վերաբան ատյան, Ծուշիում հիմնվեց վճռաջինջ դատարան, իսկ նրան կից՝ հատուկ գործերի քննիչ հանձնաժողովը: Զուգահեռ ստեղծվեց նաև զինվորական դատարան, որին վերապահվեց ծանր բնույթի հանցագործությունների դատարանում:



ԼՂՀ դատական իշխանություն

ծուրյունների վերաբերյալ գործերի քննություն:

Սակայն, Ղարաբաղի ժողովրդական կառավարությանը 1918թ. չհաջողվեց երկրամասում կառավարման կայուն վարչաձև, դատական համակարգ ստեղծել, քանի որ արդեն հոկտեմբեր ամսին Շուշի քաղաք մտած բուրքական զորքերը լուծարեցին գյուրջուն ունեցող պետական կառույցները, իսկ բուրքերին փոխարինած անգիտական զորքերը Բարվինավոր ծանրակշիռ համարեցին հայ ժողովրդի արյան նկատմամբ:

Դատական մարմններ ստեղծելու մի փորձ կատարվեց նաև 1920թ. ապրիլի 18-ին Թաղավարդ գյուղում զորավար Դրոյի գլխավորությամբ ձևավորված «Ղարաբաղի Ժամանակավոր կառավարության կողմից»: Կառավարությունը նախատեսեց երկրամասում ստեղծել հաշտարար վեց դատարան, սակայն, քաղաքական իրավիճակը կտրուկ փոփոխվելու հետևանքով, որոշումը չիրագործվեց, քանի որ 11-րդ Կարմիր բանակն արդեն մոտենում էր Արցախի սահմաններին և դրվագ էր նրա խորհրդայնացման հարցը:

Խորհրդային իշխանության տարիներին Լեռնային Ղարաբաղի Ինքնակար Մարզի դատական համակարգը, որը ձևավորվել էր 1923-1924թ., կազմված էր Շուշի, Հադրութի, Մարտունու, Մարտակերտի, Ստեփանակերտի շրջանային ժողովրդական դատարաններից և մարզային դատարանից: Ասկերանի շրջան ստեղծվելու կապակցությամբ, 1978թ. ստեղծվեց Ասկերանի շրջանային ժողովարան, իսկ Ստեփանակերտում՝ Ստեփանակերտի քաղաքային ժողովատարան: Դատական այդ համակարգը, որը դեկավարվում էր ԽՍՀՄ և Խորհրդային Ադրբեջանի օրենսդրությամբ և դատական ակտերը կայացնում հանուն Խորհրդային Ադրբեջանի Հանրապետության, գործեց մինչև Խորհրդային Սիոնիքյան փլուզումը:

Արցախի Հանրապետության դատական իշխանության ստեղծումը կապված է հանրապետության անկախության հոչակման հետ: «Դատական իշխանություն» եզրույթը, որն առաջին անգամ օգտագործվել է ԱՄՆ-ի 1787թ. Սահմանադրության մեջ, մեր հանրա-

պետության փաստաբերում իր ամրագրում ստացավ Արցախի նորընտիր Գերագույն խորհրդի /այսուհետ՝ Ազգային Ժողով/ առաջին նատաշրջանում՝ 1992թ. հունվարի 6-ին ընդունված՝ «Լեռնային Ղարաբաղի Հանրապետության պետական անկախության իիմունքների մասին» սահմանադրական օրենքում: Օրենքին ամրագրեց իշխանության երեք ճյուղերի տարանջատման սկզբունքը՝ նշելով, որ «Լեռնային Ղարաբաղի Հանրապետության ինքնիշխանությունն արտահայտվում է իր ամբողջ տարածքում օրենսդիր, գործադիր և դատական բարձրագույն իշխանության ինքնուրույն իրականացման ձևով՝ ի շահ հանրապետությունում ապրող բոլոր ազգերի»: Դատական իշխանության մարմնների կազմավորումը, դրանց իրավասության և աշխատակարգերի սահմանումը համարվեց պետական իշխանության բարձրագույն մարմնների գերակա լիազորություններից մեկը:

Նորընտիր Ազգային Ժողովի մեկ այլ որոշմամբ Լեռնային Ղարաբաղի մարզային դատարանը վերանվանվեց Լեռնային «Ղարաբաղի Հանրապետության Գերագույն դատարան», իսկ մարզային դատախազությունը՝ Լեռնային «Ղարաբաղի Հանրապետության դատախազություն»:

Այսպիսով, Արցախի բարձրագույն դատական ատյանն իր ներկայիս «Գերագույն դատարան» անվանումը կրում է Ազգային Ժողովի 1992թ. հունվարի 6-ի Հ.Ն. 0011-1 որոշման հիման վրա: Հետևաբար, 1992թ. հունվարի 6-ը պետք է համարել Արցախի Գերագույն դատարանի ծննդյան օր, որի 25 տարին լրանում է 2017թ. հունվարի 6-ին: Այդ քառորդ դարի ընթացքում Արցախի դատական իշխանության և հատկապես Գերագույն դատարանի աշխատանքում շատ բան է փոխվել, չնայած դրանք ոչ հասարակ պայմաններում են տեղի ունեցել:

Արցախի Գերագույն դատարանի ստացած ժառանգական համակարգը, սակայն, ի սկզբանե կրում էր խորհրդային արդարադատության ողջ դրոշմը:

Հանրապետական մարմնների կազմակրոման սկզբնական ամիսներին Արցախի դատարանները և իրավապահ մարմնները



սեփական օրենսդրության կիրառման համապատասխան բազա չեն ունեցել: Այդ հարցում Արցախին ժողովն իր 1992թ. հունիսի 6-ի որոշմամբ հստակություն նստցրեց և մինչև սեփական Սահմանադրության ու օրենքների ընդունումն Արցախի տարածքում կիրարկման մեջ դրվեց «Հայաստանի Հանրապետության օրենսդրությունը, իսկ օրենսդրությամբ չկարգավորված հարաբերությունների համար որոշվեց կիրառել նախկին ԽՍՀՄ այն օրենսդրական ակտերը, որոնք չեն հակասում ԼՂՀ անկախության հաշվագրին, այդ ակտերի կիրառման ընթացքում «Հայաստանի Հանրապետություն» կամ «Խորհրդային Սոցիալիստական Հանրապետությունների Միություն» եզրույթը փոխարինելով «Լեռնային Ղարաբաղի Հանրապետություն» եզրույթով:

Չնայած «Լեռնային Ղարաբաղի Հանրապետության պետական անկախության իիմունքների մասին» սահմանադրական օրենքը հոչակեց հանրապետության տարածքում ինքնուրույն դատական իշխանության իրականացման մասին, բայց արցախյան գոյամարտի տարիներին դատական իշխանության վերաբերյալ որևէ հիմնարար փաստաթուղթ չընդունվեց, որի պատճառով բավական ակնհայտ մնաց գործադրի կողմից դատական իշխանության վրա ներգործելու դեռևս Խորհրդային Սիուրյունից մնացած ժառանգությունը: Հանրապետության պետական շինարարության առաջին տարիներին երկրում ձևավորվել էր երկաստիճան դատական համակարգ, որի ստորին օդակլ հանդիսացել են Հադրութի, Մարտունու, Շուշի, Ասկերանի և Մարտակերտի շրջանային, Ստեփանակերտի բաղադրային ժողովարանները, ինչպես նաև դրանց հավասարեցված Արցախի զինուրական դատարանը:

Հետպատերազմյան տարիներին Արցախի դատական իշխանության մասին առաջին օրենքը ընդունվեց 1996թ. մայիսի 6-ին: Ասել, թե օրենքն արմատական բարեփոխումներ կատարեց պետական իշխանության երրորդ ճյուղի համար, ճիշտ չէր լինի, քանի որ օրենքը միայն արձանագրեց գործնականորեն ստեղծված դատական համակարգը և շատ թե քիչ տարբերակ մշակեց Գերագույն դա-

տարանի տարբեր ատյանների /դատական կոլեգիա, դատական պալատ, պլենում/ դատական գործառույթները դատավորների ավելի քիչ քանակով իրականացնելու համար: Օրենքն ընդամենն ամրագրեց հանրապետությունում ձևավորված երկաստիճան դատական համակարգը:

Սահմանադրական արդարադատության ինստիտուտի ընթացակարգերի բացակայությունը Գերագույն դատարանի համար ննան հարցերի վերաբերյալ իր գրավոր դիրքորոշումն արտահայտելու արգելք չի եղան ամենավայրին: Այդ առումով, բերևս սահմանադրական արդարադատության իրականացման մեկնարկ պետք է համարել Արկադի Դուկայանի՝ 1997թ. ԼՂՀ Նախագահ ընտրվելու կապակցությամբ ԼՂՀ Նախագահի թեկնածու Ալբերտ Ղազարյանի կողմից ԼՂՀ Կենտրոնական ընտրական հաձնաժողովի ամփոփիչ արձանագրության հարցով Գերագույն դատարան դիմելը: Չունենալով տվյալ ոլորտը կանոնակարգող որևէ նորմատիվ ակտ, Գերագույն դատարանը դեկավարվել է բաղադրային դատավարության օրենսդրության նորմերով և իրավունքի ընդհանուր սկզբնական վերաբերությունը:

Հարկ է նշել, որ սահմանադրական արդարադատության ինստիտուտը ԼՂՀ-ում մտցվեց 1999թ. ընդունված «Դատարանակազմության մասին» ԼՂՀ օրենքով (օրենքն ուժը կորցրած ճանաչվեց «Դատարանակազմության մասին» ԼՂՀ 2008թ. ապրիլի 16-ի ՀՕ-21 օրենքով), համաձայն որի՝ «Գերագույն դատարանը ԼՂՀ սահմանադրական դատարանի լիազորությունները իրականացնող ատյան է: Մինչև «Սահմանադրական դատավարության մասին» ԼՂՀ օրենքի ընդունումը Գերագույն դատարանը սահմանադրական արդարադատության լիազորություններն իրականացնում էր ԼՂՀ օրենսդրությանը չհակասող «Սահմանադրական դատարանի մասին» ՀՀ օրենքով սահմանված նորմերով: Գերագույն դատարանը սահմանադրական վերահսկողության լիազորություններն իրականացնելիս գործերը քննում է կողեզիալ, բայց ոչ պակաս, քան իին դատավորի կազմով:

Կարծում ենք՝ սեփական Սահմանադրու-



ԱՊՀ դատական իշխանություն

քյան բացակայության պայմաններում, դա ճիշտ լուծում էր: Այսպես, եթե Ազգային ժողովի 2000 և 2005թթ. ընտրությունների արդյունքներից դժգոհ պատգամավորների որոշ թեկնածուներ դիմեցին Գերագոյն դատարան, ապա Գերագոյն դատարանը նրանց դիմումների ընտրությունն ընթացքավորել է՝ դեկավալելով «Սահմանադրական դատարանի մասին» ՀՀ օրենքի նորմերով:

Երկրում արդարադատության զարգացման հաջորդ փուլը կապված է 1999-2000թթ. ընդունված դատախրավական բարեփոխումներն ապահովող օրենսդրական ակտերի մի ամբողջ փարերի ընդունման հետ /դատարանակազմություն, միջնորդ դատարանների և միջնորդ դատավարության, դատական ակտերի հարկադիր կատարումն ապահովող ծառայության, դատախազության, փաստարանական գործունեության, դատավորի կարգավիճակի, դատական մագիստրատուրայի խորհրդի մասին և այլն/, որից ելնելով՝ նոր դատական համակարգի մեկնարկը տրվեց 2002թ. փետրվարի 15-ին և այն գործեց մինչև 2008թ. հունիսի 19-ը: Այդ ժամանակահատվածում Արցախի դատական համակարգը կազմված էր առաջին ատյանի դատարանից և Գերագոյն դատարանից: Առաջին ատյանի դատարանի դատական տիրույթը հանրապետության ողջ տարածքն էր, որը, բայ էության, քննում էր բոլոր քաղաքացիական, տնտեսական, քրեական և վարչական իրավախախտումների վերաբերյալ գործերը:

Այլ էր խնդիրը Գերագոյն դատարանի պարագայում: Կազմված լինելով նախագահից և կեց դատավորից՝ դատարանն արդարադատություն էր իրականացնում վերաբենության կարգով՝ մեկ դատավորի կազմով և վճռաբեկության կարգով՝ կոլեգիալ, ոչ պակաս, քան երեք դատավորի կազմով: Գերագոյն դատարանը նաև սահմանադրական դատարանի լիազորություններ իրականացնող ատյան էր, որի դեպքում գործերը քննում էր կոլեգիալ բայց ոչ պակաս, քան հինգ դատավորի կազմով:

Այսպիսով, Արցախում 2002-2008թթ. գործում էր երկաստիճան դատական համակարգ, որտեղ վերաբենիչ և վճռաբեկ դատա-

րանների լիազորությունները զուգակցված են եղել մեկ «տանիքի»՝ Գերագոյն դատարանի անվան ներքո, որի նախագահը կոնկրետ գործերով, իր մակագրությամբ ստեղծում էր վերաբենիչ, վճռաբեկ և սահմանադրական ատյաններ ու նշանակում դրանց կազմը: Փաստորեն, դատական ատյանների միջև տարանջատում չի եղել:

Հանրապետության դատական մարմինների և արդարադատության զարգացման նոր փուլը կապված է Արցախի Սահմանադրության ընդունման հետ: Սահմանադրության ընդունման 2006թ. դեկտեմբերի 10-ի համաժողովրդական հանրաքեռվ, ամրագրեց դատական իշխանության կազմակերպման և գործունեության ուղենչող ելակետային սկզբունքները և դրույթները: Սահմանադրության 6-րդ հոդվածն ազդարարեց, որ պետական իշխանությունն իրականացվում է Սահմանադրությանը և օրենքներին համապատասխան՝ օրենսդիր, գործադիր և դատական իշխանությունների բաժանման և հավասարակշռման հիման վրա:

Գործող դատական իշխանության մարմինների համակարգի ձևավորման համար սկզբունքային նշանակություն ուներ Սահմանադրության 50-րդ հոդվածի 1-ին մասով հոչական նորմը. «Յուրաքանչյուր ոք օրենքով սահմանված կարգով ունի իր նկատմամբ կայսցված դատավճիքի վերանայման իրավունք՝ վերադաս դատարանի կողմից»: Այս դրույթն ինքնին կանխորշում է վերաբենիչ դատարանի գոյություն, որն էլ ամրագրված է Սահմանադրության 109-րդ հոդվածով: Սահմանադրական այս դրույթը լրիվությամբ բխում է մի շարք միջազգային իրավական նորմերից, մասնավորապես, ՄԱԿ-ի կողմից 1948թ. ընդունված «Մարդու իրավունքների համբակահնություն հոչակագրից», Քաղաքացիական և քաղաքական իրավունքների մասին 1966թ. միջազգային դաշնագրից և Մարդու իրավունքների և հիմնարար ազատությունների մասին ԱՊՀ երկրների 1995թ. կոնվենցիայից: Նշված առաջին երկու փաստարդերին Արցախը վաղուց է միացել:

Սահմանադրության 6-րդ գլուխը, որը կրում է «Դատարանները» անվանումը, ամ-



բողջությամբ վերաբերում է Արցախի դատական իշխանությանը: Սահմանադրությունն արձանագրեց, որ Արցախում դատական իշխանությունն իրականացնում են դատարաններ՝ Սահմանադրությանը և օրենքներին համապատասխան, և որ դատական իշխանությունն իրականացվում է սահմանադրական, քաղաքացիական, քրեական և օրենքով նախատեսված այլ դատավարության միջոցով: Այստեղից բխում է, որ պետական իշխանության մարմինների համակարգում դատական իշխանություն իրականացնող միակ մարմինը դատարաններն են, որոնք, օժտված լինելով հատուկ լիազորություններով, հանդես են գալիս պետության անունից: Այստեղից բխում է նաև, որ դատական իշխանությունը պետական իշխանության ձև է, այն պատկանում է միայն դատարաններին, որի կրողները և իրականացնողները դատավորներն են: Իհարկե, արդարադատության իրականացումը դատական իշխանության գլխավոր և հիմնական, բայց ոչ միակ գործառույթն է: Այդ շրջանակներում Գերագոյն դատարանն օժտված է սահմանադրական վերահսկողության գործառույթով, դատարանների կողմից վերահսկողություն է իրականացվում մինչդատական վարույթի նկատմամբ, արվում են իրավական նորմերի մեկնաբառանումներ, հաստատվում իրավաբանական նշանակություն ունեցող փաստեր, սահմանվում դատական նախադեպեր և այլն:

Համաձայն Սահմանադրության՝ Արցախի դատական համակարգը բաղկացած է ընդհանուր իրավասության առաջին ատյանի, վերաբնիշ դատարաններից և Գերագոյն դատարանից, ինչպես նաև օրենքով նախատեսված մասնագիտական այլ դատարաններից: Արտակարգ դատարանների ստեղծումն արգելվում է:

Սահմանադրության 12-րդ գլուխը, որը վերնագրված է «Եզրափակիչ և անցումային դրույթներ», կանխորշեց նաև ԼՂՀ դատական մարմինների գործունեությունն անցումային շրջանում և նոր մարմինների կազմավորման ժամկետները: Սահմանադրությունից բխող դատարանական բարեփոխումների համատեքստում 2008թ. ընդունվեց «Դատա-

կան ծառայության մասին» ԼՂՀ օրենքը, որի համաձայն՝ դատական ծառայությունը համարվեց օրենքով դատարաններին, ինչպես նաև դատական իշխանության մարմիններին վերապահված լիազորությունների ու գործառույթների իրականացումն ապահովելու նպատակով իրականացվող մասնագիտական գործունեություն և պետական ծառայության մաս: Դատական ծառայությունն իրականացվում է դատական դեպարտամենտի միջոցով, որը գործում է Գերագոյն դատարանի նախագահի հսկողական գործառություններում և պահպանության մասին վրա:

Նոր դատական համակարգի կայացման արմատական նորույթներից մեկն էլ այն էր, որ հանրապետության օրենսդիր մարմինը 2008թ. ապրիլի 16-ին ընդունեց «Դատարանակազմության մասին» միջանդեպահան օրենքը, որի ուժում Սահմանադրությունից բխող եռաստիճան նոր դատական համակարգի ձևավորումն սկսվեց ԼՂՀ վերաբնիշ դատարանի ստեղծմամբ, Քաջարադի շրջանի առաջին ասյանի դատարանի գործունեության դադարեցմամբ և ԼՂՀ առաջին ասյանի դատարանի «ԼՂՀ ընդիհանուր իրավասության առաջին ատյանի դատարան» վերանվանվամբ: Օրենքը արձանագրեց, որ վերաբնիշ դատարանը սկսում է գործել ոչ ուշ, քան 2008թ. հունիսի 1-ից:

Հենց այդ օրվանից էլ սկսեց գործել ԼՂՀ Սահմանադրությամբ նախատեսված եռաստիճան դատական համակարգը:

Ելնելով բնակչության թվաքանակից և մայրաքաղաքի նկատմամբ շրջանների աշխարհագրական դիրքից՝ այսօրվա դրությամբ Արցախում գործում է Առաջին ատյանի մեկ դատարան՝ դատարանի նախագահի և տասնմեկ դատավորի կազմով, որի կենտրոնական նախավայրը Ստեփանակերտ քաղաքն է: Դատարանը նախավայրեր ունի Հադրութ, Մարտոնի, Ասկերան, Մարտավերտ, Շուշի և Բերձոր շրջկենտրոններում:

Առաջին ատյանի դատարանն օժտված է նույն իրավասությամբ և գործառույթներով, ինչ որ Հայաստանի Հանրապետության ընդհանուր իրավասության դատարանները: Միակ տարրերությունը կայանում է նրանում, որ



ԼՂՀ դատական իշխանություն

ԼՂՀ-ում վարչական դատարան չստեղծվելու պատճառով, Առաջին ատյանի դատարանին ընդդատյա են նաև վարչական գործերը, որոնցով կայացված դատական ակտերի համար մինչև 2012թ. հունվարի 1-ը նախատեսված էր «բռնշքային» բողոքարկում, այսինքն՝ դրանք Վերաբննիչ դատարանին չեն բողոքարկվում, այլ միանգամից Գերազույն դատարանին: ԼՂՀ դատական և վարչական դատավարության օրենսգրքերում 2011թ. նոյեմբերի 30-ին կատարված փոփոխությունների ուժով սահմանվեց Առաջին ատյանի դատարանի վարչական գործերով դատական ակտերի վերաբննության ձևով բողոքարկման կարգը:

Ի տարբերություն ՀՀ-ի, ԼՂՀ-ում գործում է մեկ Վերաբննիչ դատարան՝ նախագահի և վեց դատավորների կազմով, որտեղ Առաջին ատյանի դատարանի դատական ակտերի դեմ ներկայացված բողոքները քննվում են կոլեգիալ՝ երեք դատավորի կազմով: Հարկ է նշել, որ Վերաբննիչ վարույթը ՀՀ-ում մտցվեց 1998թ. հունվարի 12-ից, որտեղ ստեղծվեցին քաղաքացիական, տնտեսական, քրեական և զինվորական գործերով Վերաբննիչ երեք դատարաններ, իսկ 2010թ. տնտեսական դատարանի փոխարեն՝ վարչական գործերով Վերաբննիչ դատարան: Հայաստանը Վերաբննության տեսակը վերցրեց Ֆրանսիայից, իսկ Վերաբննության սահմանները՝ Գերմանիայից և Ավստրիայից, այսինքն՝ ընտրեց Վերաբննության խառը ձևը, որն իր արտացոլումը գտավ Հայաստանի Հանրապետության 1998թ. Քրեական և Քաղաքացիական դատավարության օրենսգրքերում և «Դատարանակազմության մասին» օրենքում:

ԼՂՀ Քաղաքացիական և Քրեական դատավարության օրենսգրքերն ուժի մեջ մտնելուց հետո՝ 2009թ. փետրվարի 10-ից, Վերաբննիչ դատարանն իր գործունեությունն իրականացնում է ոչ լրիվ վերաբննության ձևով, այսինքն՝ վերաբննիչ բողոքների և հիմնավորումների սահմաններում վերանայվում է Առաջին ատյանի դատարանի դատական ակտերի օրինականությունը և հիմնավորվածությունը:

Դատական արակտիկան ցույց է տալիս,

որ վերաբննության արդյունքում վերաբննիչ բողոքների ավելի քան 50%-ը բավարարվում է: Եվ, չնայած վերաբննության կարգով բողոքարկվող Առաջին ատյանի դատարանի որոշումների ոչ մեծ քանակին՝ (7-10%), դատական սխալների վերացման արդյունավետություն ակնհայտ է:

Այն հանգամանքը, որ Արցախում վերաբննիչ և վճռաբեկ ատյանների տարանջատումն արդարացված էր, կարելի է բացատրել մի շարք գործուներով: Եթե մինչև Վերաբննիչ դատարանի ստեղծումը վերաբննությունն ու վճռաբեկությունն իրականացվում էին մեկ՝ Գերագույն դատարանի «տանիքի» ներք և այն էլ՝ մեկ դատավորի կազմով, որի պարագայում, որպես կանոն, վերաբննիչ ատյանի վճռաբեկ ատյանի կողմից բողնովում էր անփոփոխ, ապա Վերաբննիչ դատարանի ստեղծման պահից վերաբննությունն իրականացվում է կոլեգիալ՝ երեք դատավորների կազմով: Գործերի կոլեգիալ քննության դեպքում արդարադատության որակն ավելի բարձր է լինում, սիսակի հավանականությունը՝ համեմատաբար փոքր: Նման պայմաններում ավելի մանրակրկիտ և բազմակողմանի են հետազոտվում նյութերը, իսկ կոլեգիալ որոշումն՝ միևնույն հարցի տարբեր տեսակներների և տարբեր կարծիքների բախումների արդյունք է հանդիսանում: Իսկ այն, որ Գերագույն դատարանը որոշ գործերով Վերաբննիչ դատարանի դատական ակտերը բեկանում և օրինական ուժ է տալիս Առաջին ատյանի դատարանի դատական ակտերին, վկայում է, որ այդ պարագայում գործում է երկու դատարանների դատական ակտերի մրցակցության սկզբունքը:

Վերաբննիչ դատարանի գոյությունն արդարացված է նաև իրավունքի զարգացմանը նպաստելու՝ Գերագույն դատարանի սահմանադրական առաքելությունն իրականացնելու տեսանկյունից:

Եռաստիճան դատական համակարգի առկայությունը բարձրացնում է հասարակության մեջ դատական իշխանության հեղինակությունը, աջակցում առավելագույն պաշտպանելու քաղաքացիների իրավունքները և շահերը, վերադաս դատական ատյանին



հնարավորություն տալիս ապահովելու ստորադաս դատարանի դատական ակտերի ստուգումը, ձևավորելու միասնական դատական պրակտիկա՝ չխոսելով Էլ Վերաբենիչ դատարանի հոգեբանական նշանակության մասին: Այն միտքը, որ Առաջին ատյանի դատարանի որոշումը վերջնական չէ և այն կարող է վերանայվել ավելի փորձառու և բանիմաց դատավորների կողմից, բարենպաստ և հանգստացնող գործոն է ինչպես կողմերի, այնպես էլ ամրող հասարակության համար՝ բարձրացնելով վերջինիս հավատը դեպի դատական իշխանությունը:

ԼՂՀ բարձրագույն դատական մարմինը Գերազույն դատարանն է, որն, ապահովում է Սահմանադրության գերակայությունը և օրենքի միատեսակ կիրառումը: Այդ սահմանադրական առաքելության տակ ԼՂՀ դատական օրենսգրքի համաձայն՝ Գերազույն դատարանի վրա նաև խնդիր է դրված՝ նպաստելու իրավունքի զարգացմանը: Բացի այդ, ԼՂՀ դատական օրենսգրքի 15-րդ հոդվածի 4-րդ կետի ուժով որոշակի փաստական հանգամանքներ ունեցող գործով Գերազույն դատարանի դատական ակտի հիմնավորումները (այդ թվում՝ օրենքի մեկնաբանությունները) պարտադիր են դատարանի համար նույնանման փաստական հանգամանքներով գործի քննության ժամանակ, բացառությամբ այն դեպքի, եթե վերջինն անճարակշիռ փաստարկների մատնանշմամբ հիմնավորում է, որ դրանք կիրառելի չեն տվյալ փաստական հանգամանքների նկատմամբ:

Փաստորեն, Արցախի օրենսդիրների կողմից անգոյ-սաքանական իրավական ընտանիքի երկրներում կիրավող դատական նախադեմի հնատիշությունը և սահմանադրական վերահսկողության ամերիկյան նողելը ներմուծվել են մեր երկի իրավունքի համակարգ և ներդրվել հանրապետության բարձրագույն դատական ատյանի գործառույթների մեջ:

Համաձայն Սահմանադրության 113-րդ հոդվածի 2-րդ մասի՝ Գերազույն դատարանը բաղկացած է սահմանադրական և վճռաբեկ պալատներից:

Պրակտիկայում հակասություններից խուսափելու նպատակով Արցախի օրենսդիր-

ները «Սահմանադրական դատավարության մասին» ԼՂՀ օրենքում ամրագրել են, որ «սահմանադրական պալատը կազմավորվում է յուրաքանչյուր գործով՝ Գերազույն դատարանի նախագահի կողմից»: Օրենքն Ազգային ժողովի կողմից ընդունվեց 2009թ. մայիսի 27-ին: Այն հրապարակվեց հունիսի 15-ին և ուժի մեջ մնավ պաշտոնական հրապարակման օրվան հաջորդող տասներորդ օրվանից, իսկ սահմանադրական արդարադատություն իրականացնելու մասին Կանոնակարգն ընդունվեց Գերազույն դատարանի 2009թ. հունիսի 28-ի թիվ 3 աշխատակարգային որոշմամբ: Այսինքն՝ այդ օրվանից սկսեց գործել Գերազույն դատարանի սահմանադրական ատյանը:

ԼՂՀ և ՀՀ Սահմանադրությունների բոլոր էական տարբերությունները հասկանալի պես է համարել, քանի որ ԼՂՀ Սահմանադրության հեղինակները աշքի առաջ են ունեցել ՀՀ Սահմանադրությունը՝ 2005թ. փոփոխություններով:

Ներկայում «դատական իշխանություն» և «արդարադատություն» հասկացություններն օգտագործվում են գրեթե նոյն իմաստով, չնայած առաջինն իր մեջ ներառում է երկրորդին, քանի որ արդարադատությունը դատական իշխանության իրականացման նույնականերից մեկն է:

Սահմանադրությունից բխող դատահրավական բարեփոխումների շրջանակներում դատական իշխանության կայացման համար կարևոր փաստարությ հանդիսացավ 2009թ. հունվարի 1-ից ուժի մեջ մնած ԼՂՀ դատական օրենսգրքը, որի մեջ սահմանվեցին դատարանակազմությունը, դատական իշխանության գործունեության սկզբունքները, դատարանի բնականն գործունեության ապահոված երաշխիքները, դատական իշխանության ինքնակառավարումը և այլ կարևոր ինստիտուտներ: Օրենսգրքն ամրագրեց, որ Արցախում դատական իշխանությունը գործում է ինքնակառավարման սկզբունքի հիման վրա, որի մարմիններն են հանրապետության Դատավորների ընդիանությունը և Դատարանների նախագահների խորհուրդը:

Դատավորների ընդիանությունը ժողովը դա-



ԼՂՀ դատական իշխանություն

տական իշխանության ինքնակառավարման բարձրագույն մարմինն է: Նրա որոշումները գերակա են Դատարանների նախագահների խորհրդի որոշումների նկատմամբ: Ժողովը, կազմված լինելով հանրապետության բոլոր դատավորներից, հրավիրվում է տարին առնվազն մեկ անգամ՝ Գերագույն դատարանի նախագահի կողմից: Արտահերթ ընդիմանուր ժողով կարող է հրավիրվել դատավորների առնվազն 1/4-ի, Դատարանների նախագահների խորհրդի կամ Գերագույն դատարանի նախագահի կողմից:

Դատավորների ընդիմանուր ժողովը, գործելով իր հաստատած Կանոնակարգին համապատասխան, իրավասու է քննարկելու դատական իշխանության բնականոն գործունեության ապահովմանն առնչվող ցանկացած հարց, այդ թվում՝ Դատարանների նախագահների խորհրդի իրավասությանը վերապահված: Ժողովն ընտրում է Արդարադատության խորհրդի դատավոր անդամներին: Այդ առումով 2009թ. մարտի 13-ին հրավիրվեց Արցախի դատավորների ամդրանիկ ընդիմանուր ժողովը, որը, հաստատելով իր Կանոնակարգը, գաղտնի քվեարկությամբ հինգ տարի ժամկետով ընտրեց արդարադատության խորհրդի հինգ դատավոր անդամների, որից 2-ական դատավորներ՝ Առաջին ասյանի և Վերաբենիշ դատարաններից և մեկը՝ Գերագույն դատարանից: Ջիշ ավելի ուշ արդարադատության խորհրդի կազմի մեջ մտան Հանրապետության Նախագահի և Ազգային ժողովի նշանակած երկուական իրավաբաններ:

ԼՂՀ դատական իշխանության ինքնակառավարման հաջորդ մարմինը՝ ԼՂՀ դատարանների նախագահների խորհուրդը, սկսեց գործել 2009թ. մարտի 20-ից՝ իր կողմից հաստատված Կանոնակարգի համաձայն: Մշտապես գործող այս մարմինը ստեղծման պահից մինչ այսօր քննարկել և ընդունել է դատական իշխանության բնականոն գործունեության ապահովմանն առնչվող բազմաթիվ հարցեր:

Դատական իշխանության անկախության հեմարաններից մեկն էլ հանդիսացավ 2010թ. հունիսի 22-ին ԼՂՀ դատավորների ընդիմանուր ժողովում «Լեռնային Դարաբաղի Հան-

րապետության դատավորներ» հասարակական կազմակերպության հիմնադրումը և նրա Կանոնադրության հաստատումը:

Երկրի համար աննախադեպ երևույթ հանդիսացավ «ԼՂՀ դատական իշխանություն» իրավական տեղեկատվական-վերլուծական հանդիսի ծնունդը, որի առաջին համարը լույս տեսավ 2011թ. մայիսին: Ներկայումն գործում է դատարանների պաշտոնական համացանցային կայքէջը [/courtnkr.am/](http://courtnkr.am/):

2012թ. հունվարի 1-ից սկսեց գործել դատական կարգադրիների ծառայությունը, որը կոչված է ապահովելու դատարանում դատավորի, դատավարության մասնակիցների և այլ անձանց կյանքի, առողջության և արժանապատվության, իրավունքների ու ազատությունների պաշտպանությունը և դատարանի տարածքի պահպանումը հանցավոր և հակարգավական այլ ուսնձգություններից: Ծառայության խնդիրն է նաև դատարանի տարածքում, դատական նիստերի դահլիճում հաստարական կարգի պահպանությունը և անվտանգության ապահովումը: Օրենքը դատական կարգադրիչն զենք կրելու իրավունք չի վերապահել՝ այն փոխարինելով ռետինե մահկով, ձեռնաշղթայով, էլեկտրաշղոկով և այլն:

Այսպիսով, ԼՂՀ Սահմանադրությունից բխող դատավիրավական բարեփոխումների օրենսդրական փաթեթը, որի դրույթները վերաբերում են իրավապահ և իրավակիրառ բոլոր մարմիններին, 2013թ. հունիսի 1-ի դրությամբ սկսեց լրիվությամբ գործել:

Ներկայումն մեր հանրապետությունը թևակիսել է դատավիրավական բարեփոխումների որակական մի նոր փուլ. Հանրապետության Նախագահի 2013թ. օգոստոսի 16-ի կարգադրությամբ հաստատվել է ԼՂՀ իրավական և դատական բարեփոխումների 2013-2017թթ. ուսամակարդար ծրագիրը և ծրագրից բխող միջոցառումների ցանկը: Նոյյն կարգադրությամբ ստեղծվել է աշխատանքային խումբ, և աշխատանքներն ընթանում են: Քառամյա ծրագիրը, մասնավորապես, ներառում է քրեսական, քաղաքացիական, վարչական արդարադատությունը, դատական համակարգը, դատախազությունը, փաստարա-



նորքյան և քաղաքացիներին մատուցվող ծառայությունների ոլորտները, որոնցից յուրաքանչյուրում առկա խնդիրների լուծման համար նախատեսված են ինչպես օրենսդրական, այնպես էլ իրավակիրառական բնույթի միջոցառումներ: Այս բարեփոխումները նախկիններից տարրերվում են նրանով, որ համակարգային բնույթը են կրում: Ծրագրում ուղղակիրեն նշված է, որ դատական իշխանության աննախառությունը և անկախությունը դասպարության ուսումնակարգական իրագործման հիմնական երաշխիքների շարքին, քանի որ դատաիրավական համակարգի նկատմամբ վստահության պակասը երկրի ներքին սպառնալիքներից մեկն է հանդիսանում:

Դատաիրավական բարեփոխումները հարավորին և ամբողջական գործընթացներ են և ունեն իրենց ներքին զարգացման ընթացքը: Բարեփոխումները պետք է կատարվեն ոչ միայն դատական համակարգում, այլև բոլոր իրավապահ կառույցներում: Հաղորդակից անորների օրենքը գործում է ամենուրեք:

Հատկանշական է, որ ժողովրդավարական ուղին բռնած և անցումային զարգացման փուլում գտնվող պետություններից որևէ մեկին դեռևս չի հաջողվել կարճ ժամկետում ստեղծել անկախ և կենսունակ իրավական համակարգ: Իսկ կատարյալ համակարգ երբեք չի լինում, կյանքն է, որ ժամանակի ընթացքում հղում է ամեն ինչ, որի արդյունքների գնահատականը տախիս է հասարակությունը՝ իր վստահության քվեով:

Բարեփոխումները, որպես կանոն, փոխում են ոչ թե հասարակական հարաբերությունների իմքները, այլ՝ նրա ծևն ու բովանդակությունը: Այն մի արմատական և երկարատև գործընթաց է: Դա այն դեպքում, եթե նկատի ունենալով Հայաստանի Հանրապետությունում իրականացված սահմանադրական բարեփոխումների գործընթացը, Արցախի քաղաքական ուժերը 2016թ. փետրվարին սահմանադրական բարեփոխումների բեմայով 2 անգամ քաղաքական խորհրդատվություններ են անցկացրել, որի արդյունքում խորհրդարանական և արտախորհրդարա-

նական կոսասկցությունները գրավոր դիմել են Հանրապետության Նախագահ Բ. Սահակյանին՝ առաջարկելով ստեղծել սահմանադրական բարեփոխումների հանձնաժողով: Արձագանքը չուշացավ:

Հանրապետության Նախագահը ելնելով իրավունքի գերակայության և ժողովրդայիշխանության սկզբունքների իրացման կառուցակարգերը բավարարելու, իշխանության ճյուղերի լիազորությունների հավասարակշռության կատարելագործելու, հանրային կառավարման արդյունավետությունը բարձրացնելու անհրաժեշտությունից ու հաշվի առնելով Ազգային ժողովում ներկայացված կուսակցությունների և արտախորհրդարանական մի շարք քաղաքական ուժերի առաջարկը և դեկավարվելով Սահմանադրության 68-րդ հոդվածի 10-րդ կետով՝ մարտի 21-ին ստորագրել է հրամանագիր՝ Հանրապետության Նախագահին առընթեր սահմանադրական բարեփոխումների մասնագիտական հանձնաժողովը ստեղծելու մասին: Հրամանագրով հաստատվել է հանձնաժողովի անհատական կազմը՝ Ազգային ժողովի նախագահ Ա. Ղույլանի գլխավորությամբ:

Արցախի Հանրապետության սահմանադրական բարեփոխումների հայեցակարգը հաստատվեց սահմանադրական բարեփոխումների մասնագիտական հանձնաժողովի 2016թ. հուլիսի 30-ի միասում, իսկ նոր Սահմանադրության նախագծի աշխատանքային տարրերակը նոյեմբերի 8-ին տեղադրվեց Ազգային ժողովի պաշտոնական կայքում:

Նախագծը երկրի պետական և հասարակական կյանքի բնագավառների համար լուրջ փոփոխություններ է նախատեսում, մասնագրապես՝ երկրի կառավարման ծեր, մարդու իրավունքների և արդարադատության իրականացման ոլորտում: Առաջարկվող նախագծի առանցքային հարցը բերևս այն է, որ Արցախում նախատեսվում է կիսանիախական համակարգից անցում կատարելով դեպքի նախագահական համակարգ՝ որոշակի առանձնահատկություններով, որտեղ նախագահը իրավապես և փաստրենական դեկավարելու է գործադիր իշխանությունը:

Նախագծում Արցախի եռաստիճան դա-



ԼՂՀ դատական իշխանություն

տական համակարգը պահպանվել է: Նախագիծն ավելի որոշակիություն է տվել Արցախի բարձրագույն դատական ասյանի՝ Գերագույն դատարանի գործառույթներին: Ըստ նախագծի հեղինակների՝ Գերագույն դատարանն իրականացնում է սահմանադրական արդարադատություն՝ ապահովենով Սահմանադրության գերակայությունը: Որպես բարձրագույն դատական ասյան՝ Գերագույն դատարանը դատական ակտերն օրենքով սահմանված լիազորությունների շրջանակներում վերանայելու միջոցով ապահովում է օրենքների և այլ նորմատիվ ակտերի միատեսակ կիրառությունը և վերացնում է մարդու իրավունքների և ազատությունների հիմնարար խախտումները:

Ընդպահնվել է նաև սահմանադրական արդարադատության հարցերով Գերագույն դատարան դիմելու սուրյեկտների շրջանակը: Այսպես, նման հարցերով Գերագույն դատարան կարող է նմ դիմել նաև Ազգային ժողովի խմբակցությունը՝ հանրաքվեի արդյունքներով ընդունված որոշումների հետ կապված վեճերով, ինչպես նաև Ազգային ժողովի ընտրությանը մասնակցած կուսակցությունները կամ կուսակցությունների դաշինքները՝ Ազգային ժողովի ընտրության արդյունքով ընդունված որոշումների հետ կապված վեճերով:

Հստակեցվել են դատավորների կարգավիճակը, դատավորների թեկնածուներին ներկայացվող պահանջները, նրանց և դատավորների, նախագահների նշանակման կարգն ու պաշտոնավարման ժամկետը:

Դատական իշխանության շրջանակներում արմատական փոփոխություն պետք է համարել այն, որ Արցախի արդարադատության խորհրդի փոխարեն ստեղծվում է բոլորվին մի նոր անկախ սահմանադրական մարմին՝ Բարձրագույն դատական խորհրդը, որը երաշխավորներու է դատարանների և դատավորների անկախությունը:

Նախագծի համաձայն՝ Բարձրագույն դատական խորհրդը կազմված է հիմնա մարմին, որի երեք անդամը, այսինքն՝ մեծամասնությունը, դատավորներ են: Վերջիններիս ընտրությունը է Արցախի դատավորների ընդ-

հանուր ժողովը՝ դատավորի առնվազն հինգ տարվա փորձառություն ունեցող գործող դատավորների կողմից: Ընդ որում, Բարձրագույն դատական խորհրդում պետք է ընդգրկվեն դատավորներ բոլոր ատյանների դատարաններից: Բարձրագույն դատական խորհրդի մյուս երկու անդամները նշանակվում են Հանրապետության Նախագահի և Ազգային ժողովի կողմից: Նրանք պետք է մասնագիտական աշխատանքի առնվազն հիմնա տարվա փորձառությամբ իրավաբաններ լինեն՝ օժտված բարձր մասնագիտական որակներով:

Բարձրագույն դատական խորհրդի անդամներն ընտրվելու են հիմնա տարի ժամկետով և իրավունք չեն ունենալու վերատին ընտրվելու այդ պաշտոնում: Նրա կազմում դատարանների նախագահների ընդգրկումը բացառվում է:

Նախագծը մեզ հուշում է, որ Բարձրագույն դատական խորհրդն առանցքային դերակատարում ունեցող պետական անկախ կառույց է լինելու: Սահմանադրական այդ մարմինն է կազմելու և հաստատելու դատավորների թեկնածուների, ներառյալ՝ առաջնադատական ներառյալ թեկնածուների ցուցակները: Այդ մարմինն է Ազգային ժողովին առաջարկելու նշանակման ներառյալ դատարանների նախագահների և դատավորների թեկնածուներին: Այլ մարմինն է վերապահված լուծելու դատավորի նկատմամբ քրեական հետապնդում հարուցելու կամ նրան ազատությունից գրկելու վերաբերյալ համաձայնություն տալու, ինչպես նաև դատավորին կարգապահական պատասխանատվության ներարկելու հարցերը: Վերջին լիազորության իրականացման դեպքում Բարձրագույն դատական խորհրդը հանդիսանություն է գալու որպես դատարան:

Բարձրագույն դատական խորհրդը գրավվելու է նաև Արցախի դատական իշխանության բյուջեի հարցերով: Ինքն է հաստատելու դատարանների ծախսերի նախահաշիվները և ներկայացնելու կառավարությանը՝ օրենքով սահմանված կարգով պետական բյուջեի նախագծում ընդգրկելու համար:

Վերջապես, նախագծի համաձայն՝



Բարձրագույն դատական խորհրդին տրվելու են նաև «այլ լիազորություններ», որոնք սահմանվելու են Դատական օրենսգրքով:

Ինչպես նկատելի է, Բարձրագույն դատական խորհրդի ծևավորման հարցում մասնակցում են պետական իշխանության բոլոր երեք ճյուղերը, բայց վերջնական որոշում կայացնելու իրավունքը, որը պարտադիր բնույթ է կրելու, պատկանում է Բարձրագույն դատական խորհրդին: Դա խոսում է այն մասին, որ Բարձրագույն դատական խորհրդի ստեղծումը և անկախ գործունեությունը կարևոր նախապայման կիանոիխանան Արցախի դատական իշխանության ներքին և արտաքին անկախությունն ապահովելու համար:

Նախագծի եզրափակիչ և անցումային դրույթների ուժով Արցախի դատարաններին վերաբերող դրույթներն ուժի մեջ են մտնում Ազգային ժողովի կողմից ընտրված Հանրապետության Նախագահի լիազորությունների ստանձնան օրը:

Նախագիծն ազդարարում է, որ Բարձրագույն դատական խորհրդը կազմավորվում է Դատական օրենսգրքի համապատասխանեցվում է Սահմանադրությանը և ուժի մեջ է մտնում մինչև Ազգային ժողովի կողմից ընտրված Հանրապետության Նախագահի լիազորությունների ստանձնան օրը:

Նախագիծն ազդարարում է, որ Բարձրա-

գույն դատական խորհրդը կազմավորվում է Դատական օրենսգրքի համապատասխան դրույթներն ուժի մեջ մտնելուց հետո՝ Հանրապետության Նախագահի լիազորությունների ստանձնան հետո երեք անսահ ընթացքում:

Հանրահայտ ճշմարտություն է՝ դատական մարմինների համակարգը և դատական իշխանությունը նույնական հասկացություններ չեն: Դատական իշխանությունը հնարավոր չէ առանց դատական համակարգի, սակայն դատական մարմինների համակարգի առկայությունը դեռևս չի ասում, որ տվյալ երկրում դատական իշխանություն կա: Այդ երկու բացառիկ երևույթների արտաքին նմանությունը միահյուսվում է նրանով, որ դատական իշխանության առկայության կամ բացակայության պայմաններում դատարանների որոշումները պարտադիր բնույթ են կրում և դրանց կատարումն ապահովում է պետական հարկադրանքով: Վերջապես, դատա-

կան իշխանության առկայությունը ենթադրում է մեկ միասնական պետական իշխանության բաժանում, տարանջատում հարաբերականորեն անկախ երեք ճյուղերի՝ օրենսդիրի, գործադիրի և դատականի, որտեղ յուրաքանչյուրը գործում է իր լիազորությունների շրջանակներում և չի խառնվում մյուսի գործերին:

Ամեն պարագայում դատական համակարգն այն դեպքում է դատական իշխանություն դառնում, եթե նա օժտված է իշխանության նյութ ճյուղերի նկատմամբ ներգործման որոշակի հնարավորություններով, հակաշշիուներով և զավումներով, որոնք ի չիք են դարձնում իշխանության որևէ ճյուղի կամ անձի կողմից մեկ այլ ճյուղի իշխանությունը յուրացնելու՝ դրանով իսկ իշխանության եռաքն ճյուղերի միջև պահպաններով անհրաժեշտ կապը և համաձայնեցվածությունը:

Սահմանադրական բարեփոխումների մեծ ճամփարամիններում Արցախի Գերագույն դատարանն իր 25-ամյա հորելյանը դիմավորում է ժողովրդի մոտ հարգանքի, հեղինակության և վստահության ձեռքբերմամբ, իսկ այդ տարիների դատական իշխանության կայացման և զարգացման գիշավոր ձեռքբերումն այնպիսի բազային սկզբունքների և ինստիտուտների հաստատումը պետք է համարել, ինչպիսիք են դատական իշխանության ինքնավարությունը, դատական քննության մրցակցությունը, արդարադատության մատչելիությունը, իրապարակայնությունը և նախադեպային իրավունքի ներդրումը, որի ուժով Գերագույն դատարանի որոշումը պարտադիր բնույթ է կրում և պետք է կիրառվի համանման բոլոր գործերի լուծման ժամանակ: